

# Kontinjen UiTM juara sukan Masum edisi 2018

UNIVERSITI Teknologi Mara (UiTM) dinobatkan sebagai juara kejohanan Majlis Sukan Universiti Malaysia (Masum) 2018 setelah berjaya mengutip 36 pingat emas, 21 perak dan 16 gangsa dalam dua fasa kejohanan tersebut.

Timbalan Pengarah Pusat Sukan UiTM, Mohd. Fisol Saud berkata, bagi fasa pertama yang berlangsung di Universiti Malaysia Kelantan (UMK) pada 15 Julai hingga 21 Julai lalu, UiTM berjaya meraih 21 emas, 10 perak dan lapan gangsa.

“Bagi Masum fasa dua di Universiti Pertahanan Nasional Malaysia (UPNM) pada 29 Julai hingga 5 Ogos 2018 yang lalu, UiTM berjaya memungut



**SEBAHAGIAN** atlet UiTM yang mengharumkan nama institusi pendidikan itu untuk muncul juara Masum 2018.

15 emas, 11 perak dan lapan gangsa.

“Pada kejohanan ini (Masum

fasa dua), pasukan boling padang UiTM menjadi penyumbang terbanyak pingat dengan

lapan emas dan satu gangsa,” katanya dalam satu kenyataan semalam.

Tambah Mohd. Fisol, kejayaan kontinjen UiTM dalam dua fasa Masum itu membolehkan UiTM dinobatkan sebagai juara edisi 2018 dengan jumlah keseluruhan kutipan pingat 36 emas, 21 perak dan 16 gangsa.

Katanya, Universiti Putra Malaysia (UPM) pula dinobatkan sebagai naib juara apabila pasukan tersebut berjaya meraih 21 emas, sembilan perak dan empat gangsa.

“Kejayaan mengungguli Masum 2018 ini adalah hasil sokongan pihak pengurusan tertinggi UiTM, latihan pusat yang berkala dan semangat juang yang tinggi oleh para atlet UiTM,” ujarnya.